

四庫全書

子部

欽定四庫全書

名賢氏族言行類稿卷四十三

宋章定撰

傅七百九十九

姓纂殷相說之後築於傅巖因以為姓北地人漢末
傅氏居南陽

尚書高宗夢得說使工營求諸野得諸傅巖
史記傅寬漢封為陽陵侯

前漢傅去古字稚游河內人傅太后從母弟遷右將軍
傅介子北地人以從軍為官求使大宛 斬匈奴使

刺樓蘭王 封義陽侯

後漢傅燮字南容拜議郎朝廷重其名方格每公卿有
缺為眾議所歸 為漢陽太守初范津舉燮孝廉及
津為漢陽與燮交代合符而去鄉邦榮之

傅毅字武仲作迪至詩為蘭臺令史

傅俊字子衛從世祖破王尋以為偏將軍 後為侍中

封昆陽侯

魏志傅瑕字蘭石弱冠知名遷黃門侍郎為河南尹其治以德教為本持法有常簡而不可犯獄訟不加夏楚而得其實吏民安之

晉書傅玄字休奕剛勁亮直不能容人之短舉秀才以時譽選入著作為御史中丞每有奏劾或直日暮捧白簡整簪帶竦踊不寐坐而待旦於是貴游懾伏臺閣生風子咸字長虞剛簡有大節為御史中丞

摩天子逆鱗觸猛獸之鬚 遷司隸校尉勁直忠果

劾按驚人 子數字穎根次子晞為上虞令甚有政績

傅祖字子莊父嘏以才識明練稱 祖早樹風猷

南史傅亮字季友咸之玄孫入直中書省專典詔命

傅隆字伯祚亮族兄為御史中丞甚得司直之體

傅弘之字仲度少儻有大志

傅昭字茂遠虞通之貽其詩曰英妙擅山東才子傾洛

陽清塵誰能嗣及爾遺遺芳 嗣梁歷位左戶尚書

博極古今世稱為學府 弟映字徽遠位烏程令

傅緯字宜事博通羣書仕陳兼通事舍人掌詔誥為文

典麗

循吏傅琰字季珪父僧佑山陰令有能名琰仕宋為武

康令遷山陰令並著能名二縣皆謂之傅聖父子並

著奇績時云諸傅有理縣譜子孫相傳不以示人遷

益州刺史自縣遷州近世罕有 子翹為吳令 子

岐字景平除始新令後去人無老少皆出境拜送

博涉能專對魏使至常遣岐接對焉

北史博永字脩期拜安遠將軍魏帝每嘆曰上馬能擊賊下馬作露布唯博脩期耳

博暨眼以軍功遷益州刺史撫蜀人以恩信檢勒部下守宰肅然

博伏少從戎以戰功至開府仕齊周武帝招之不從及聞後主被獲仰天大哭然後降周武帝曰為臣當若此朕平齊唯見公一人

唐傅奕相州人高祖即位遷太史丞令時國制草具多
仍隋舊奕謂承亂世之後當有變更乃上言 武德
七上疏極詆浮圖法又上十二論言益痛切帝善
其對太宗即位問卿拒佛法奈何曰佛西域妄人欺
誣衆庶有害國家無補百姓帝異之 奕卒自誌曰
傅奕青山白雲人也以醉死遺言戒子六經名教皆
可習也釋氏之法慎勿為吾死當僦葬 奕善數自
言其學不可傳又注老子集晉魏以來與佛議駁者

為高識篇武帝時所改漏刻定十二軍號皆詔奕云
傅良弼字安道清河人以射冠軍中為沂州刺史

宋朝傅堯俞字欽之鄆州須城人十歲能為文未冠舉
進士知新息縣累遷太常博士擢監察御史裏行英
宗即位進殿侍御史遷起居舍人同知諫院初英宗
疾慈聖后同聽政至是疾平堯俞上書慈聖請還政
神宗即位移知廬州徙陝西轉運使除直史館遷鹽
鐵副使出知江寧府哲宗即位由知州召為祕書少

監兼侍講擢給事中吏部侍郎御史中丞御史張舜
民以言事罷詔堯俞更舉御史堯俞封還詔書請留
舜民即以堯俞為吏部侍郎堯俞不可遂以龍圖閣
待制知陳州入為吏部侍郎復除中丞遷吏部尚書
兼侍讀元祐四年拜中書侍郎在位二年卒謚獻簡
忠義傅察字公晦孟州濟源人也從曾祖曰堯俞察為
人端重有特操舉進士蔡京欲妻以子察力拒之為
青州司法參軍歷永平淄川丞久之除太常博士遷

吏部員外郎宣和七年接伴金使時金人已渝盟察
至燕山聞斡里雅布入寇或勸其母遂行察曰銜命以
出聞難而止若君命何遂行至境上遇斡里雅布領
兵斡里雅布怒曰爾乃不拜我耶麾令去察知不免謂
其下曰敵脅我以拜我義不辱我死必矣贈徽猷閣
待制 三子長自強次自得自脩母夫人趙氏丞相
清獻公女也攜三子避地南徙踰嶺後由羊五抵泉
自得年未成童賦玉界尺詩語意警拔李公邴大驚

異之因許歸以女乃定居于泉初朝廷既褒贈察而錄其孤自得補承務郎歷福建提刑司幹官通判漳泉二州為福建轉運副使奏蠲增鹽錢數十萬緡罷科泉州宗子米泉民德之立生祠焉知寧國府會大旱奏蠲租十餘萬斛既去後守閱公帑之籍惟自得迎新供帳無一不存因大歎服再將漕福建被召命尋改除浙東憲初自得再試禮部輒不利三應博學宏詞科一既入等黜于中書遂不復應科舉誨諸子

甚力子伯壽伯成同登進士第伯壽復中詞科仕終
樞密伯成今自侍郎以集撰知建寧子壘丙辰鄒榜
登科 自脩字勤道後以校正兼權工部侍郎丐外
除直寶文閣將漕江西

傅楫字元通係出北地自莊父季友世仕江南子孫因
散處江淮間有居壽州者遭廣明之亂從王潮奔溫
陵遂為仙遊人楫嘗從學於陳襄襄稱之曰傅元通
金石人也以其女妻之治平間登進士第徽宗朝為

中書舍人巧外以龍圖閣待制知亳州友諒紹聖間
登科仕終尚書外郎孫仲益嘗誌其墓文甚奇 湛
字元瞻楫之同屬紹興間登第仕終中書門下檢正
諸房公事 誠字至叔弟誠字信叔亦皆湛之近屬
也誠辛丑黃榜誠甲辰衛榜俱登乙科

顧八百

姓纂顧伯夏殷侯國也子孫以國氏焉顧氏譜云越
王勾踐七代孫閩君搖漢封東甌搖別封其子為顧

余侯因氏焉漢初居會稽

吳志顧雍字元歎孫權曰顧公在座使人不樂為丞相
平尚書事選用文武將吏各隨能所任心無適莫

子邵子裕 孫譚字子默為中庶子清識絕倫獨見
推重 孫承字子直

晉顧榮字彥先機神朗悟與陸機兄弟同入洛時人號
為三俊例拜為郎中 南金東箭世胄高門 陳敏
之衆狐疑未決榮以白羽扇麾之衆皆潰去遂斬敏

顧和字君孝總角便有清操族叔榮雅重之曰此吾家
麒麟興吾宗者必此子也王導辟為揚州從事周顛
指和心曰此中何所有應曰此中最是難測地顛謂
導曰卿州吏中有一令僕才 拜御史中丞百僚憚
之 居母憂不肯起復 後遷尚書令

顧愷之字長康博學有才氣尤善丹青圖寫謝安以為
有蒼生以來未之有也俗傳其有三絕才絕畫絕癡
絕

顧悅之字君叔與簡文同年而髮早白帝問其故答曰
松柏之姿經霜猶茂蒲柳常質望秋先零

顧衆字長始以平蘇峻功拜丹陽尹

南史顧琛字弘瑋和之曾孫謹確不尚浮華累遷尚書
庫部郎

顧覲之字偉仁為山陰令山陰劇邑覲之御繁以約縣
用無事晝日垂簾門堦間寂常以為人稟命有定
分非智力所移唯應恭已守道而闇者不達妄意僥

倖徒虧雅道無關得喪 子綽私財甚豐鄉里多負
責覲之禁不能止後誘出文券一大厨悉令焚之

顧憲之字士思性尤清直為建康令號曰神明 為政
甚得人和故都下飲酒者醇旨輒號顧建康謂其清
且美焉 仕齊為衡陽內史刺史王奐初至衡陽獨
無訟者乃嘆曰顧衡陽之化至矣若九郡率然吾將
何事雖屢宰郡資無儋石及歸環堵不免饑寒

顧協字正禮舉秀才沈約覽其策曰江左以來未有斯

作

顧野王字希馮天文地理著龜占候無一不通仕陳

為黃門侍郎 撰玉篇

儒林顧越字允南吳郡人專門教授通儒碩學必造門

質疑 深明毛詩特善莊老 除五經博士

孝義顧昌衍居喪幾至滅性王儉言之天子曰昌衍既
有至行宜居禮闈以光郎署乃以為尚書庫部郎

隱逸顧歡字景怡隱於天台山開館聚徒受業者常近

百人

唐顧少連字夷仲蘇州人舉進士擢上第以拔萃補登封主簿邑有虎民患之少連命塞陷甯移文嶽神虎不為害遷中書舍人閣十年以謹密稱 歷吏部侍郎裴延齡方橫無敢忤者嘗與田鎬少連會酒酣少連曰段秀筭擊賊臣今吾筭將擊姦臣奮且前元友直勸解之改京兆尹政尚寬簡不為灼灼名先是京畿租賦厚薄不能一少連以法均之 為東都留守表禁苑及

汝間田募耕以便民閱武力利鎧仗號良吏

步 八百一

姓纂左傳晉大夫步陽之先食采于步因氏焉又有

步毅本郟氏仲尼弟子步叔乘齊人 河南官氏志

步鹿氏改為步氏

吳志步騭字子山淮陰人游吳中著聲名為當時英俊

累遷都督西陵在西陵二十年鄰敵敬其威信以德

度規檢見器當世

晉藝術步熊字叔羅少好卜筮數術門徒甚盛

豫八百二

史記刺客豫讓晉人也嘗事范中行氏而無所知名去
事智伯甚尊寵之及趙襄子滅智伯讓為智伯報仇
襄子數讓云云讓曰中行氏衆人遇我我故衆人報
之智伯國士遇我我故國士報之

路八百三

姓慕炎帝之後黃帝封其支子於潞春秋時潞子嬰

兒是也今上黨潞縣子孫以路為氏

史記路博德平州人以衛尉為伏波將軍

前漢路溫舒字長君鉅鹿東里人截蒲寫書受春秋

通大義舉孝廉上宣帝書云宜尚德緩刑子

孫皆至牧守

北史路恃慶字伯瑞祖綽陽平太守恃慶有幹用為鄉

閭所稱遷定州長史子祖璧弟仲信並有令名

循吏路邕在魏除魏郡太守涖政清勤經年儉日出

家粟賑賜貧窘下詔褒美 遷青州刺史

循吏路去病仕齊為殿中侍御史彈劾不避貴戚以正

直知名

唐路嗣恭字懿範京兆人為蕭關令連徙神烏姑臧二
縣考績為天下最玄宗以為可嗣漢魯恭因賜名永
泰三年出為江西觀察使以善治財賦稱

路隋字南式父泌從渾城會盟平涼為敵所執死焉隋
長知父被執號泣不食母告以貌類泌終身不引鏡

舉明經授潤州參軍李錡欲困辱之使知市事怡然坐肆不為屈

路應嗣恭之子李泌言於德宗加屯田郎中封襄陽郡

王

路敬淳貝州人擢進士第受詔纂輯慶卹儀典武侯稱之尤明姓系著姓略衣冠系錄等百篇

度八百四

姓慕古掌度之官因以命氏西京雜記漢成帝時侍

郎度安代居山陽

後漢度尚字博平除上虞長為政嚴峻明於發摘姦非
吏人謂之神明遷文安令遇時疾疫穀貴開倉廩給
營救疾者百姓蒙其濟後零陵賊起擢尚為荊州
刺史躬率部曲明設購賞大擊破之降者三萬人
為名將數有功

茹八百五

南史恩倖茹法亮仕齊為中書通事舍人 事武帝勢

傾天下

茹法珍齊東昏時為制局監甚見愛幸 口稱詔敕

北史恩倖茹皓

御八百六

周禮有御人職因官命氏焉左傳有御叔漢書有御長
倩者丞相公孫弘故人

鑣

又音盧
八百七

楚大夫有鑣全

絮

女據反又女居反
八百八

漢書京兆捕賊掾絮舜

遇

八百九

風俗通漢有東安太守遇冲姓苑云東莞有遇氏

鑄

八百一十

風俗通鑄國堯後也在濟北左傳臧宣叔娶鑄氏

具

八百十一

左傳晉有具丙 後漢宦者中常侍具瑗

附八百十二

後漢段穎將附都唐監察御史附德意

務八百十三

堯時有務成子見易傳列仙傳務光夏時人

孺八百十四

魯有孺悲欲見孔子見論語

露八百十五

風俗通漢有上黨都尉露平

固 八百十六

晉平公時有舟人固來

布 八百十七

風俗通趙有布子 晉陶侃別傳有江夏人布興

喻 八百十八

姓苑南昌有喻氏東晉有喻歸撰西河記三卷

庫 八百十九

風俗通古守庫大夫因官命氏後漢竇融傳輔義侯庫

鈞

瓠 八百二十

淮南子古有瓠巴善鼓琴

衛 八百二十一

姓慕周文王第八子康叔受封於衛國四十餘代秦末國滅子孫以國為氏

左傳僖二十四年富辰曰昔周封建親戚魯衛毛聃文之昭也

史記衛綰代大陵人也以戲車為郎遷為中郎將醇謹無它文帝屬孝景曰綰長者善遇之上以為廉忠實無它賜封建陵侯遷御史大夫至丞相天子以為敦厚可相少主

衛青字仲卿平陽人也後拜大將軍凡七出擊匈奴收河南地置朔方郡子伉封為宜春侯不疑為陰安侯登為發干侯青自封長平侯

後漢循吏衛颯字子產遷桂陽太守下車脩庠序之教

設婚姻之禮期年間邦俗從化 理卹民事居官如
家

衛宏字敬仲受詩學因作毛詩序

魏志衛覬字伯儒少以才學稱魏初拜侍中典制度

衛臻字公振文帝目曰天下之珍當與山陽共之遷吏

部尚書

晉書衛瓘字伯玉拜尚書令與尚書郎索靖俱善草

書號一臺二妙 為政清簡甚得朝野聲譽 子恒

字巨山善草隸書

孫瑛字仲寶為散騎侍郎 玠

字叔寶總角乘羊車入市見者皆以為玉人玠舅王
濟見之輒歎曰珠玉在側覺我形穢又曰罔若明珠
之在側朗然照人 王澄每聞玠言輒歎息絕倒語
曰衛玠談道平子絕倒 妻父樂廣有重名議者以
為婦公冰清女壻玉潤 終身不見喜愠之容中興
名士唯玠為當時第一

北史衛操字德元魏桓帝以為輔相任以國事

衛玄字文昇領京兆尹稱為強濟命鎮京師文帝曰關
右之任一委於公公安社稷乃安公危社稷亦危
賜玉麟符以代銅獸

唐衛大經卓然高行口無二言邃于易人謂之易聖

衛伯玉少習武技肅宗即位慨然願立功領神策兵馬
使破賊將李歸仁史朝義代宗幸陝以伯玉有幹略
可方面事拜荆南節度使

衛次公字從周河中人舉進士潘炎異之曰國器也擢

左補闕王叔文用事輕弄威柄 次公多所持正知
禮部貢舉斥華取實不為權力侵撓

宋朝衛膚敏字商彦華亭人宣和初以上舍生擢第汪
彥章誌其墓曰建炎三年上自維揚狩臨安慨然思
中興獻替之臣一日顧宰臣曰衛膚敏安在其趣以
來繼公及上於平江上顧中丞張澂鄭穀曰衛膚敏
至矣危蹕至臨安拜禮侍卒子仲英仲傑仲巡

計八百二十二

國語有計然為越大夫范蠡師之本葵丘濮上人姓辛
字文子其先晉國亡公子也

後漢方術計子勲皆謂數百歲行來於人間

薊八百二十三

後漢方術薊子調有神異之道京師士大夫皆承風向
慕

惠八百二十四

周惠王支孫以謚為姓戰國有惠施為梁相漢有交趾

太守惠乘太僕惠根

桂

八百二十五

風俗通漢有揚州刺史桂褒唐永寧令桂武仲吳人

吞

或作炅
八百二十六

漢有衛尉吞橫上計掾吞景曇一作雲吞橫有四子一子

守墳墓改姓炅一子居徐州即曇之先也姓吞一子

居幽州姓桂一子居華陽姓炅以避難也

棣

八百二十七

王莽有大司馬棣

隸八百二十八

古有隸首善筭

麗八百二十九

晉匠麗氏之後

制八百三十

漢初有樂工制氏

蒂

張細反
八百三十一

王莽傳有中常侍蒂

羿 八百三十二

左傳有窮后羿篡夏后相之位

厲 八百三十三

風俗通齊厲公之後漢有魏郡太守義陽侯厲温 吳

志孫皓以孫秀奔魏改姓厲氏

芮 八百三十四

左傳周司徒芮伯周同姓國也芮伯萬之後漢鉅鹿太

守芮強吳郡太守芮彌丹陽人

稅八百三十五

盛弘之荊州記信陵縣有稅氏昔蜀王樂君三巴蜀王
見廩君兵彊結好飲宴以稅氏五十人遺巴土廩君

世八百三十六


風俗通秦大夫世鈞漢有世寵又世顧者子書

銳八百三十七

齊有銳司徒

彘 八百三十八

左傳士會支子士魴別食采於彘邑在平陽北故號恭子



名賢氏族言行類稿卷四十三

欽定四庫全書

子部

名賢氏族言行類稿卷四十四

四至
六

詳校官典籍臣潘奕雋

主事臣祁韻士覆勘

總校官進士臣朱銜

校對官中書臣張曾炳

騰錄監生臣王宮

欽定四庫全書

名賢氏族言行類稿卷四十四

宋 章定 撰

蔡

八百三十九

姓蔡周文王第十四子蔡叔度生蔡仲胡受封於蔡
子孫以國為氏晉有蔡墨秦相蔡澤漢功臣肥如侯
蔡寅

左傳僖二十四年富辰曰昔周公封建親戚管蔡邲霍

文之昭也

昭二十九年龍見於絳郊魏獻子問於蔡墨曰吾聞之蟲莫知於龍以其不生得也謂之知信乎對曰人實不

知非龍實知

蔡墨名黠晉大夫

為趙簡子史

史記蔡澤燕人干諸侯不遇問相於唐舉舉曰先生曷

鼻

曷一作仰

巨肩黉顏感羈膝攀

巨肩謂項低而肩豎黉顏貌黉回感羈謂鼻感

近眉并膝學曲也

吾聞聖人不相殆先生乎澤知舉戲之乃

曰富貴吾所自有所不知者壽也舉曰從今以往四

十三歲澤笑謝而去謂其御曰吾持梁躍馬食肉懷
金印結紫綬富貴四十三年足矣

持梁作飯也

為秦昭王

相號網成君

前漢蔡義河內人以明經給事大將軍幕府久之詔求
能為韓詩者召見說詩甚悅之擢光祿大夫數歲代
揚敞為丞相封陽平侯霍光曰義為人主師當為宰
相

後漢蔡茂字子禮哀平間對策陳災異以高等擢侍中

蔡順字君仲以至孝稱母平生畏雷每雷震輒圍塚泣
曰順在此

蔡邕字伯喈性篤孝母滯病三年自非寒暑節變未嘗
解襟帶不寢寐者七旬三世不分財鄉黨高其義少
好辭章數術天文妙操音律 熹平四年奏求定六
經文字靈帝許之乃自書於碑使工鐫立於太學門
外後儒晚學咸取正焉時妖異數見特詔問邕具對
經術以皂囊封上 董卓聞其名高辟之三日之間

周歷三臺

儒林蔡玄字叔陵學通五經門徒常千人順帝徵拜議郎講論五經異同甚合帝意

蔡倫用樹膚麻頭及敝布魚網以為紙帝善其能故天下稱蔡侯紙

晉蔡克字子尼素有格量及居選官苟進之徒望風畏憚山簡曰蔡子尼今之正人子謨字道明弱冠察孝廉性尤篤慎每事必為過防時人云蔡公過浮航脫

帶腰舟長

蔡裔有勇氣聲若雷震有二盜入室裔拊牀一呼二盜俱隕殷浩委以軍鋒

蔡豹字士宣為徐州刺史內撫將士外懷諸衆甚得遠近情

南史蔡廓字子度宋武帝以其剛直補御史中丞多所糾奏武帝常云蔡廓可平世三公子興宗累遷尚書吏部侍郎孝武曰卿詳練清濁今以選事相付後

拜侍中每正言得失無所顧憚 弟約字景撫 約
弟搏字景節少方雅退默為吳興太守自種白菟紫
茄以為常餌詔褒其清 曾孫凝字子居博涉經傳
尤工草隸授吏部侍郎年位未高而才地為時所重
嘗端坐西齋自非素貴名流罕所交接

蔡道恭字懷儉少寬厚有大量仕梁為平北將軍

蔡景歷字茂世為海陽令政有能名陳武帝授記室參
軍以定策立文帝功遷常侍 子徵字希祥陳後主

器其才幹任寄日重遷吏部尚書

北史蔡薦豪爽有胆畧歸齊為齊州刺史

蔡祐字承先從周文戰有功授平東將軍與齊神武戰於芒山祐時着明光鐵鎧所向無敵齊人咸曰此是鐵猛獸也

蔡大寶隨蕭峇鎮襄陽為詔議叅軍謀談皆自大寶出唐蔡廷玉幽州人與朱泚同里聞泚為幽州節度使日思吞并不知有上下禮法廷玉語泚曰古未有不臣

而能推福及子孫者不如奉天子刻多難可勒勳鼎
彝泚不能屈

文藝蔡允恭為十八學士時號登瀛洲

宋朝蔡襄字君謨興化軍仙遊人也舉進士歷漳州判
官西京留守推官改著作佐郎館閣校勘遷秘書丞
知諫院兼修起居注時仁宗增置諫官四員襄在選
中元昊使人乞和襄上言曰元昊始以烏卒之號為
請又欲稱男而號吾祖此足見羌戎悖慢之意今縱

使元昊稱臣而上書於朝廷自稱曰吾祖朝廷賜之
詔書亦曰吾祖是何等語耶以右正言直史館知福
州以便親遂為福建路轉運使復古五塘以溉田民
以為利以父憂去官服除復修起居注遷起居舍人
知制誥遷龍圖閣直學士知開封府進樞密直學士
知泉州徙福州復移泉州襄為政精明而於閩人尤
知其風俗時閩士多好學而專詞賦以應科舉襄得
鄉先生周希孟以經術傳授學者嘗至數百人襄為

親至學舍執經講問為諸生率延見處士陳烈尊以師禮而陳襄鄭穆方以學行著稱鄉里襄皆折節下之召拜翰林學士三司使求知杭州即拜端明殿學士遷禮部侍郎知杭州未幾襄丁母憂以疾卒工於書人得其字以為珍藏焉仁宗尤稱愛之 洸位八座戡為侍從擢樞師言敷言諒詵俱登第皆君謨諸孫也

蔡挺字子正應天府宋城人也其兄抗字子直登進士

甲科補太平州推官平江軍節度掌書記潁川郡王
伴讀英宗在藩邸器重之因請於濮安懿王願得與
游每見抗衣冠盡禮義兼師友再遷太常博士通判
秦州為秘閣校理知蘇州徙廣南東路轉運判官及
英宗即位召對語抗曰卿朕故人勿以常禮自踈也
以為工部郎中兼起居舍人同知諫院時方議追崇
濮安懿王抗引禮為人後大一統之義指陳切至涕
下被面而英宗亦泣會京師大水抗推原咎證在於

濮園議執政以抗在言路不便之召試知制誥罷諫
職進龍圖閣直學士出知定州辭英宗曰第行且召
卿矣以穎王立為皇太子除抗詹事未至而英宗崩
改樞密直學士知秦州後靈駕發引抗因大慟哭遂
得疾日中而卒 挺亦舉進士為慶州推官富弼使
契丹奏以挺從行弼以所議誓書有所更易遣挺自
雄州馳驛詣中書白執政時仁宗欲知敵中事亟召
挺挺有父喪聽服衫帽對便殿治平初召為陝西轉

運副使上論禦戎攻守大計遂除直龍圖閣知慶州
迨神宗即位除天章閣待制徙渭州挺建勤武堂論
諸將每五日一教閱五伍為隊五隊為陳陳橫列三
鼓而出之並三發箭復位又鼓之逐隊槍刀齊出以
步鼓節之為擊刺狀十步而復以止既復位皆聞金
即退騎兵亦五伍為列四鼓而出之射戰盤馬先教
前一日將官點閱全備乃赴教再閱之隊中人馬皆
彊弱相兼彊者立姓名為奇兵隱於隊中遇用奇則

別為隊出戰涇原路內外凡七將又涇儀州左右策
應將每將皆馬步軍各十陳分左右各第一至五日
閱一陳此其大概也我神宗甚善其法遷龍圖閣直
學士五年召拜樞密院副使神宗問挺涇原訓兵之
法召部將按於崇政殿以為諸路牙校法七年以疾
罷為資政殿學士判南京留司御史臺卒謚敏肅
挺為人智計多詭譎自以有勞久留邊作為歌詞
有應念玉關人老之句因中使以達於禁中神宗閱

之遂召用云

蔡肇字天啟丹陽人也始師事王安石中進士第徽宗
即位入為戶部員外郎兼編修國史言事者論其學
術反覆出為兩浙路刑獄後以顯謨閣待制知明州
肇嘗和秦少游詩云願同籍湜輩終老韓公門既
而仕宦久不遇合為博士三年不遷和人治平字韻
詩云先生萬古名何用博士三年冗不治退歸久不
得調張天覺深知其人大觀末召為尚書郎擢右史

召試中書舍人故事宰相未上馬前限試三題天啓
揮毫立就文不加點擬拜節度使制云於戲千里謬
之毫釐朕不從中御也萬世垂之竹帛卿其以身任
之天覺讀之擊節稱美

祭

八百四十

姓纂左傳周公第五子祭伯子孫以國為氏 鄭大
夫祭仲字仲足始為祭封人因以為氏王以諸侯師
伐鄭鄭伯禦之祭足為左拒

後漢祭遵字第孫潁川人喪母負土起坟光武以
為將軍封潁陽侯北平漁陽西拒隴蜀先登坻上
深取畧陽對酒設樂必雅歌投壺在軍旅不忘俎
豆好禮悅樂憂國奉公弟彤字次孫以至孝
稱幼有志節為偃師長縣無盜賊課為第一拜
遼東太守幾三十年威聲暢於北方及卒吏人立祠
奉祭臨守偏海政移獷俗至卧鼓邊亭滅烽幽障
者將三十年

解

八百四一
又胡買切

姓纂晉大夫解揚解狐之後其先食采於解因氏焉
左傳解揚晉大夫也公孫歸父會楚莊王於宋宋人告
急於晉晉使揚如宋使無降楚鄭人囚而獻諸楚楚
子賂而使反其言不許三而許之登諸樓車使呼宋
人而告之遂致其君命楚子將殺之曰君能制命為
義臣能承命為信

晉解系字少連父修魏琅邪太守考績為天下第一二

弟結育並清身潔己甚得聲譽 結字叔連與系齊

名 育字稚連

南史斛叔謙字楚梁雁門人見孝義傳

唐斛琬魏州人舉幽素科中之授滄州刺史為政引大

體郡人順附 景龍中遷朔方行軍大總管前後乘

邊積二十年大抵務農習戰華虜安之吐蕃騷邊詔

與虜定經界因詣和輯十姓降戶建言吐蕃不可以

信約請調兵十萬屯秦渭間冬吐蕃入寇琬擊走之

戴 八百四十二

姓纂宋戴公之後以謚為姓宋大夫戴惡

孟子謂戴不勝曰子欲子之王之善與我明告子有楚大夫於此欲其子之齊語也則使齊人傳諸使楚人傳諸曰使齊人傳之

戴盈之曰什一去關市之征今茲未能請輕之

前漢戴德延君戴聖次君皆受禮於后倉德號大戴為信都太傅聖號小戴以博士論石渠由是禮有大戴

小戴之學

見孟
卿傳

後漢儒林戴憑字次仲習京氏易年十六郡舉明經拜
郎中 正旦朝賀百僚畢集帝令能說經者相難詰
義有不通輒奪其席以益通者憑遂坐五十餘席京
師語曰解經不窮戴侍中

後漢逸民戴良字叔鸞父遵字子高家富好給施食客
常三四百人語曰關中大豪戴子高 良才既高達
論議尚奇曰我獨步天下誰與為偶舉孝廉不就逃

入江夏山中優游不仕

獨行戴就字景成仕郡倉曹掾後舉孝廉光祿主事

戴封字平仲對賢良策第一拜議郎遷西華令時蝗災
獨不入西華界 年旱禱請無獲乃積薪以自焚火
起而大雨暴至遷中山相縣囚四百人當刑皆遣歸
與尅期日皆無違者

晉書戴若思砥節立行補豫章太守 弟邈字望之弱
冠舉秀才遷太子洗馬上疏勸修禮學子謚歷義興

太守

隱逸戴逵字安道能鼓琴工書畫巧藝靡不畢綜以琴書自娛以禮度自處累徵不至居於會稽之剡縣

藝術戴洋字國流善風角妙解占候卜數

南史戴僧靜少有膽力仕齊終高平太守

隱逸戴顓字仲若與父逵兄勃並隱遁有高名 父善

琴書顓並傳之凡諸音律皆能揮手後止黃鵠山竹

林精舍

唐戴胄相州人秦王拔武牢引為府士曹參軍大理少卿缺太宗曰大理人命所繫胄清直其人即日命之犯顏據正參處法意至折秋毫隨類指摘言若湧泉帝益重之遷尚書左丞杜如晦遺言請以選舉委胄帝修洛陽宮胄疏諫止之胄所敷納緣政得失奏已即削稿帝嘗曰胄於我非肺腑親然事之機切無不聞惟其忠概所激耳

戴至德乾封中遷侍郎同三品閱十數年父子繼為宰

相高宗為飛白書賜至德遷尚書右僕射時劉仁軌
為左人有訴率優容之至德乃究本末終不顯私恩
戴叔倫字幼公潤州人師事蕭穎士為門人冠劉晏表
主運至雲安楊惠琳反客劫之曰歸我金幣緩死曰
身可殺財不可奪乃舍之 守撫州民爭灌溉為作
均水法獄無繫囚 遷容管經略使綏徠夷落威名
流聞其治清明仁恕所至稱最德宗嘗賦中和節詩
遣使寵賜

戴休顏夏州人家世尚武志胆不常郭子儀引為大將
方朱泚反率兵三千晝夜馳奔行在德宗嘉之後破
泚以將略稱

蒯

八百四三

風俗通晉大夫蒯得之後見左傳禮記漢有蒯徹
漢書齊辯士蒯通本名徹與漢武帝同名史家追改
之

前漢蒯通范陽人說韓信反 齊之辯士 曹參請為

客拾遺舉過顯賢進能論戰國時說士權變亦自序其說號曰雋永

南史蒯恩字道恩胆力過人平京城定建鄴以軍功封都鄉侯自從征討凡百餘戰武帝北伐留恩侍衛太子

賴 八百四四

左傳賴國為楚所滅以國為姓漢有交趾太守賴先

會 八百四五

鄆仲之後避難去邑為會氏風俗通陸終之子會乙之

後漢有武陽令會炳

太
八百四六

尚書文王四友太顛之後

大
八百四七

風俗通大庭氏之後又大填大山稽並黃帝師大欸為

顛項師

艾
八百四八

晏子春秋齊大夫艾孔之後

藹 八百四九

晉南海太守藹奐

帶 八百五十

六國時有帶佗見姓苑

介 八百五一

左傳晉有介之推琴操作介子綏神仙傳有介璞介象

快 八百五二

漢書齊人快欽治尚書

噲

八百五三
音快

燕王噲之後孝子傳有噲參

郟

八百五四
亦作邲

古郟國在今衛州北以國為姓

載

八百五五

左傳有載國漢書有載戴

代

八百五六

代君翟國也在常山北今代州是也為趙襄子所滅其遺族以代為姓史記趙有代舉漢有京兆尹代武

能

八百五十七

姓苑長廣人狀云楚熊摯之後避難改為能氏

蘭

八百五十八

姓纂韓厥玄孫曰康仕趙食采於蘭因氏焉康裔孫相如為趙上卿子孫仕秦隨司馬錯伐蜀因家成都史記蘭相如趙人也 全璧歸趙 從趙王與秦會於

澠池秦王竟酒終不能加勝於趙既歸以相如功大
拜為上卿

信 八百五九

風俗通魏公子信陵君之後

北史藝術信都芳字王琳明算術

晉 八百六十

姓纂周武王第三子叔虞封唐唐有晉水因改為晉
傳二十代子孫以國為姓魏有晉鄙

左傳僖二十四年富辰曰昔周公封建親戚邠晉應韓武之穆也

印 八百六一

姓纂鄭穆公子印之後以王父字為氏

左傳印段字子石鄭大夫也 鄭伯如晉段相甚敬而
甲禮無違者

員 八百六二
音運

姓纂前涼鉅有安夷人員平金城人員敵大夏人員

倉員景唐吏部郎中員嘉靜華陰人蓋其後也 按

平涼水部員外郎員半千狀云本姓劉氏彭城輿里
人宋宗室營陵侯劉遵考子起部郎中凝之及齊受
禪因留北魏太武以忠諫比伍員改姓員氏賜名懷
遠官至荊州刺史懷遠六代孫半千唐右諭德陝州
刺史自隋末又居臨汾

唐員半千字榮期齊州人羈州通書史舉童子對詔高
第能講易老子長事王義方以邁秀見賞義方常曰

五百歲一賢者生子宜當之因改今名凡舉八科皆
中咸亨中上書自陳云云陛下何惜玉陛方寸地不
使臣披露肝膽乎書奏不報 調武陟尉歲旱勸令殷
子良發粟賑民不從子良謁州半千悉發之下賴以
濟刺史大怒囚半千於獄會薛元超持節度河太守
曰君有民不能恤使惠出一尉尚可罪邪釋之高宗
問兵家三陣對云云帝曰善既對策擢高第求為使吐
蕃將行武后曰久聞爾名謂為古人乃在朝邪境外

事不足行宜留待制即詔入閣擢正諫大夫出豪蕪
二州刺史半千不顯任吏常以文雅粉澤故所至禮
化大行半千事五君有清白節年老不衰樂山水自
放卒吏民哭野中

慎

八百六三

風俗通慎到為韓大夫著慎子三十篇晉東陽太守慎
條

鄆

八百六四

魯大夫食采於鄆子孫氏焉

奮

八百六五

高辛氏才子八元伯奮之後以王父字為氏楚有奮揚

訓

八百六六

周禮有訓方交氏以官為姓

靳

八百六七

風俗通楚大夫靳歙又汾陽侯靳疆

名賢氏族言行類稿卷四十四

欽定四庫全書

名賢氏族言行類稿卷四十五

宋 章定 撰

段 八百六八

姓纂鄭武公子共叔段之後以王父字為氏戰國韓相段規三輔決錄云段氏李老之自出段干木之後干木之子隱如入關去干字

前漢段會宗字子松上邽人為杜陵令五府舉為西域

都護西域敬其威信 谷永予之書曰若子之材可
優游都城而取卿相何必勒功昆山之仄

後漢段熲字紀明武威人舉孝廉為陽陵令所在有能
政初與皇甫威明張然明並知名京師稱為涼州三
明位至太尉

方術段翳字元章習易經明風角

晉書段灼字休然果直有才辯累遷議郎前後陳事輒
見省覽

段匹碑鮮卑人不忘忠孝本自避方而係心朝廷盡忠
國難抗節虜廷

北史段承根頽九世孫也機辯有文思崔浩奇之以為
涼土文華才堪著述請為著作郎

段榮字子茂少好歷術專意星象歷相濟秦三州所在
百姓愛之 子韶字孝先有將領才略及為并州刺
史為政不存小察甚得人和 事後母以孝聞 韶

弟孝言仕齊歷黃門侍郎典機密累遷吏部尚書

段永字永賓幼有志操閭里稱之 拜平東將軍河橋
之役力戰先登授汾州刺史

段文振明達世務有器局幹用仕隋為石河二州刺史
段達隋拜左翊衛將軍

節義段進太武初為守將

唐段志玄齊州人為秦王所識高祖興從下霍邑絳郡
攻永豐倉摧鋒最 文德皇后之葬與宇文士及勒
兵衛章武門太宗夜遣使至二將軍所士及披戶納

使志玄拒曰軍門不夜開使者示手詔志玄曰夜不能辨不納比曙帝歎曰真將軍周亞夫何以加 玄

孫文昌

段文昌字墨卿臨淄人也疏爽任義節不為齷齪小行後依劔南節度韋臯臯卒劉闢為高文崇所擒崇文目文昌曰君必為將相後憲宗用為翰林學士穆宗拜平章事未踰年授劔南西川節度使 長慶二年黔中蠻叛文昌使一介開曉蠻即引還文宗立徙帥

荆南州或旱禱解必雨或久雨遇出游必霽民為語
曰旱不苦禱而雨雨不愁公出游 子成式博學強
記著酉陽雜俎今行於世

段秀實字成公汧陽人六歲母病不勺飲至七日病間
乃食號孝童為西安府判官肅宗在靈武詔安西李
嗣業以兵五千走行在節度使梁宰欲逗留觀變嗣
業陰然可秀實責曰天子方急臣下晏然公常自稱
大丈夫今誠兒女耳師遂東 知奉天行營事號令

嚴壹軍中畏戢白孝德薦為涇州 劾郭晞放縱不
法 賣已馬代償農人之旱 對蓬萊殿代宗問所
以安邊者畫地以對帝悅 以笏擊朱泚帝聞垂涕
嘗言禁兵寡弱不足備非常及涇卒亂召神策六軍
無一人至世多其謀後鄭覃曰自古殺身利社稷未
有如秀實者帝惻然為罷朝 子伯倫累官福建觀
察使孫嶷文楚珂知名

段平仲字秉庸擢進士第擢監察御史磊落有氣節朝

廷有得失未嘗不論奏世推其敢言

宋朝段少連字希逸開封人也其母夢鳳集於家廷而少連生舉服勤學詞科知崇陽縣劇邑自張詠後未有繼者少連治之仍出其右後為三司度支副使擢天章閣待制知廣州進龍圖閣直學士知涇州徙渭州卒

灌 八百六九

風俗通斟灌氏夏諸侯也子孫以國為氏焉

前漢灌嬰睢陽販繒者號昌文侯與絳侯共立文帝為
太尉至丞相潁陰侯

灌夫字仲孺潁陰人父孟戰死為父報仇名聞天下

剛直使酒不好面諛 稠人廣衆薦寵下輩 喜任
俠重然諾交通無非豪傑大猾食客日數十百人

貴戚在己之右必欲陵之士在己左愈貧賤尤益禮
敬與鈞

萬 八百七十

姓纂畢萬之後一云為伯萬之後以王父字為氏孟軻門人有萬章 漢有萬攀 河南官氏志吐萬氏改姓萬氏

後漢萬修字君游扶風人世祖拜為偏將軍

北史萬安國代人世為首帥

藝術萬寶常妙建鐘律徧工八音

唐萬敬儒三世同居喪親廬墓刺血寫浮屠書斷手指輒復生改所居曰成孝鄉

論 八百七一

姓纂吐蕃大姓

唐論弓仁吐蕃族也父欽陵世相其國聖歷二年弓仁以所統吐渾七千帳自歸授左玉鈐衛將軍封酒泉郡公凡閱大小戰數百未嘗負賜寶玉甲第良田等列莫與比

貫 八百七十二

戰國策齊有貫珠漢初趙相貫高後漢西羌校貫友

觀

八百七三

左傳云夏觀扈夏同姓侯國也至殷失國因而命氏楚
有觀起觀從漢有南陽太守觀洋

冠

八百七四

列仙傳有冠生

漢

八百七五

姓苑云東莞有此姓云漢高帝之後

爨

八百七六

後漢河南尹爨肅蜀志交趾刺史爨琛又寧州刺史爨

頤

蔓

八百七七

左傳楚有鬬成然食采於蔓又為萬氏

建

八百七八

風俗通楚太子建之後

憲

八百七九

周之憲官司寇之屬也因以氏焉

獻

八百八十

風俗通晉獻公之後戰國時有獻則

頓

八百八一

風俗通頓子國今南頓是也為楚所滅子孫以國為氏
魏志有頓子獻漢有頓肅為邵陽長

晏

八百八二

姓纂左傳晏桓子名弱齊公族也生嬰字平仲晏父
戎晏父隆並其族漢有隸校尉晏稱南燕有晏漢

左傳襄二十三年齊侯伐衛曹開御戎晏父戎為右
禮記檀弓曾子曰晏子可謂知禮也已恭敬之有焉
論語晏平仲善與人交久而敬之

孟子管仲以其君霸晏子以其君顯

家語有道順命無道衡命蓋晏平仲之行也 子曰夫
晏子於君為忠臣而行為恭敏吾以凡事之 晏子
不讓彗星

宋朝晏殊字同叔撫州臨川人也七歲善屬文號神童

景德初張知白安撫江西薦之得召試又試詩賦論殊自言臣嘗私習此賦不敢隱欺真宗異之因試以他題以為祕書省正字置之祕閣使得悉讀祕閣書明年復獻所為文召試中書為集賢校理連丁家艱歸真宗即其家起復之仁宗封昇王以殊為記室參軍至仁宗為皇太子為舍人擢知制誥除翰林學士左庶子真宗每有所諮訪多以方寸小紙細書問之由是參與機密凡所對必以其稿進秘不洩外真宗

以謹密稱之 章獻明肅皇后權聽軍國事宰相丁
謂樞密使曹利用各欲獨見奏事無敢決其議者殊
建言羣臣奏事於太后者垂簾聽之皆無得見議遂
定拜右諫議大夫兼侍讀學士天聖三年以禮部侍
郎為樞密副使 仁宗親政以殊知江寧府未行改
亳州徙陳州復名為御史中丞又為三司使知樞密
院事拜樞密使加同中書門下平章事慶厯三年遂
以刑部尚書居相位充集賢殿大學士仍兼樞密使

罷以工部尚書知潁州徙知陳州又徙許州遷戶部
尚書拜觀文殿大學士知永興軍徙河南府以疾請
歸京師訪醫留侍經筵提舉萬壽觀卒謚元獻殊性
剛峻遇人以誠雖處富貴奉養如寒士罇酒相對歡
如也當世賢士大夫如范仲淹孔道輔歐陽修等皆
出其門其擇壻又得富弼楊察慶厯中為宰相嘗
因雪讌客歐公豫焉時西方用兵歐公有詩云可憐
鐵甲冷徹骨四十餘萬屯邊兵次日諫官蔡襄論其

事元獻坐是罷相公曰裴度亦曾邀文士飲韓退之
但作詩云園林窮勝事鐘鼓樂清時幾曾合闌如此

諫

八百八三

周禮有司諫氏子孫以官為姓漢有持書御史諫忠見

風俗通

練

八百八四

見姓苑

卞

八百八五

姓纂曹叔振鐸之後支庶食采於卞因以氏焉魯有卞莊子楚有卞和

晉卞壺字望之父粹字玄仁兄弟六人並登宰府世稱卞氏六龍 壺弱冠有名譽累轉御史中丞 阮孚謂壺曰卿嘗無閑泰如舍瓦石不亦勞乎壺曰諸君子以道德恢弘風流相尚執鄙吝者非壺而誰

卞敦字仲仁遷尚書郎

卞範之字敬祖

南史儒林卞華字昭岳徧習五經仕梁兼五經博士能說經折理為當時之冠

文學卞彬字士蔚險拔有才在齊不得仕進為枯魚賦以喻意後為綏建太守

戰 八百八六

後漢初戰兢為諫議大夫

戀 八百八七

漢有戀祕為南郡太守

賤 八百八十八

風俗通漢有左北平太守賤瓊

縣 八百八九

風俗通縣成父孔子門人見史記漢有甘陵相縣芝吳

中書令縣默

邵 八百九十

姓纂邵公奭周同姓受封於燕傳國四十餘代其支庶為周卿士邵穆公士邵武公邵伯邵廖邵昭公並

其後也秦有邵不疑

晉邵續字嗣祖朴素有志烈博覽經史妙解天文除沁

水令為平原樂安太守

南史孝義邵榮興八世同居詔表門閭蠲租稅

北史節義邵洪哲縣令范道榮坐除名洪哲代詣京師

明申曲直道榮感其誠節訴省申聞詔下標里閭

唐邵說相州人累秘書少監大厯末上言祿山思明之

難出入二紀多難漸平宜建徽號承天意

宋朝邵亢字興宗潤州丹陽人也舉茂才異等除建康軍節度推官召為國子監直講改館閣校勘同知太常禮院時神宗為潁王遴選府僚以亢為翊善加直史館英宗嘗召對羣玉殿謂曰學士真國器也擢同修起居注亢言皇太子受室顧於昏禮不可廢公主下嫁不可殺舅姑之尊也英宗深納之焉神宗在藩邸一日自禁中還英宗語曰朕以翊善端直朴厚已輟為諫官矣遂知制誥知諫院事神宗為皇太子以

亢兼右庶子至神宗即位遷龍圖閣直學士王陶以御史中丞彈宰相韓琦等不立外朝班其言多過參知政事吳奎言陰陽不和由陶之所致也神宗命陶為翰林學士而奎持之三日不下亢疏曰御史中丞職在彈劾陰陽不和執政之咎也奎不自咎而以咎人其言豈不悖哉今陛下新即大位命出輒廢何以今天下乎奎由是得罪為樞密直學士知開封府拜右諫議大夫樞密副使引疾辭位以資政殿學士給

事中知越州徙知鄂鄆亳三州遷吏部侍郎以卒謚
安簡

邵雍字堯夫衛州人也刻厲為學夜不就席者數年有
王豫者以師自居聞雍學易召而欲教之雍往見豫
與語三日蹶然起拜雍嘗適吳楚過秦魯客梁晉而
歸徙居於洛士人道洛者必過其廬與人言必依於
孝悌忠信樂道人之善不及其惡故賢不肖無不親
之其學自天地運化陰陽消長皆以數推之逆知其

變世無能曉之者而雍內以自樂浩如也初舉遺逸
試將作監主簿熙寧初以為潁州團練推官與常秩
同名而雍卒不起居洛三十年而卒謚康節 子伯
温

召

八百九一

姓纂邵公奭之後或作召齊有召忽漢功臣有廣侯
召毆又召信臣召馴召休

左傳莊二十七年王使召伯廖賜齊侯命且請伐衛

襄二十三年齊侯伐衛先驅穀榮御王孫揮召揚為右
毛詩江漢江漢之訆王命召虎式辟四方徹我疆土

釐爾圭瓚秬鬯一卣告于文人錫山土田于周受命
自召祖命虎拜稽首天子萬年 甘棠美召伯也

尚書召誥成王在豐欲宅洛邑使召公先相宅

前漢召信臣字翁卿九江壽春人明經甲科為郎遷工
蔡長其治視民如子後為南陽太守躬勸耕農出入
阡陌起水門以廣灌溉吏民親愛之號曰召父 遷

河南太守治行常為第一數增秩賜金

後漢召馴字伯春九江人習詩鄉里號曰德行恂恂召

伯春 拜左中郎將入授諸王

豹 八百九二

八元叔豹之後

孝 八百九三

齊孝公支孫以謚為姓

校 八百九四

出自周官五校之後以官為姓天寶有校傑河南士曹

淖

八百九五
女教反

楚將淖齒仕齊湣王

到 八百九六

姓纂楚屈到之後以王父字為氏

南史到彥之字道豫楚大夫屈到後也彥之佐守荆楚

垂二十載威信為士庶所懷遷南豫州刺史鎮歷陽

長子元度位益州刺史 少子仲度驃騎從事中

郎兄弟並有才用 仲度子撓字茂謙宋明帝以其
功臣之後擢為太子洗馬 撓弟遁為南海太守
子沆字茂瀨善屬文工篆隸梁時文德殿置學士召
高才碩學待詔沆通籍焉武帝晏華光殿命羣臣賦
詩獨詔沆為二百字三刻便成後詔尚書郎在職清
能者為侍郎以沆為殿中曹侍郎此曹以文才選沆
從父兄溉洽並有才名時相代為之 溉字茂灌撓
弟之子累遷左戶二尚書掌吏部尚書所涖以清白

自修特被武帝賞接每與對碁從夕達旦 子鏡字
圓照位太子舍人作七悟文甚美 鏡子蓋早聰慧
位尚書殿中郎從武帝登北顧樓賦詩蓋受詔便就
上以示溉曰蓋定是才子因賜絹二十疋 溉弟洽
字茂洽清警有才學任昉嘆曰此子日下無雙梁武
帝召為太子舍人曰諸到可謂才子累遷尚書吏部
郎請託不行徙左丞 子仲舉字德言無他藝業而
立身耿正

暴

八百九十七

姓纂暴公周卿士見毛詩風俗通云暴辛周諸侯也
前漢暴勝之字公子河東人武帝時盜賊起勝之為直
指使者衣繡衣持斧逐捕盜賊威振州郡 雋不疑

曰竊伏海瀕聞暴公子威名舊矣

見不疑傳

北史暴顯字思祖幼時見一沙門指之曰此郎子好相
長大必為良將貴極人臣語終失之 從齊神武起
義遷徐州刺史

郜 八百九八

周文王第十一子封於郜其地右濟陰後失國以國為氏晉有高昌長郜玟

浩 八百九九

音告

唐隰州刺史浩聿狀云本郜氏因避難改為浩氏

漕 九百

漢書任俠漕仲西河人少子游亦以俠聞

賀 九百一

姓纂姜姓齊公族慶父之後

吳志賀齊字公苗會稽人守郟長縣吏斯從輕俠為姦
齊欲治之主簿諫曰從縣大族云云齊大怒便立斬
之威震山越累遷為後將軍領徐州牧子達及弟
景皆有令名為佳將孫邵字興伯累遷為中書令
晉書賀循字彥先山陰人舉秀才除陽羨令以寬惠為
本不求課最朝廷疑滯皆諮之輒依經禮而對為當
世儒宗子隰官至臨海太守

南史賀瑒字德璉循之玄孫世以儒術顯為太學博士
尤精於禮 子革字文明通三禮為國子博士 琛
字國寶世習禮學究其精微仕梁累遷尚書左丞每
進見武帝與語常移晷刻省中語曰上殿不下有賀
雅琛容止間雅故呼之

儒林賀德基字承業世傳禮學於禮記稱為精明祖文
發父淹仕梁俱為祠部郎並有名當世德基亦位尚
書祠部郎雖不至大官而三世儒學俱為祠部郎時

論美其不墜

唐賀知章字季真曠夷善談說與陸象先善象先日季
真清談風流吾一日不見則鄙吝生矣證聖初擢進
士超拔羣類科遷太常博士張說表知章等入院撰
六典書遷禮部侍郎兼集賢院學士一日併謝源乾
曜語說曰賀公兩命之榮足為光寵玄宗自為贊賜
之晚節誕放自號四明狂客醉輒屬辭筆不停書
善草隸天寶初病夢游帝居乃請為道士以宅為千

秋觀湖數頃為放生池有詔賜鏡湖剡川一曲

賀德仁越州人與從兄德基以文辭稱人為語曰學行
可師賀德基文質彬彬賀德仁兄弟八人時比漢荀
氏

宋朝賀鑄字方回開封人也孝惠皇后之族孫授右班
殿直元祐中用武易文為通判泗州又倅太平州以
卒鑄好學藏書萬卷工文詞尤長於樂府有慶湖遺
老集

播 九百二

風俗通播靴武

名賢氏族言行類稿卷四十五